

沔陽州志卷十

沔陽童承敘

秩祀

先師廟

見儒學  
景陵同

啟聖公祠

見儒學  
景陵同

社稷壇在州北漕河地跨下迫民舍垣屋頽毀羊豕多

踐其中莫之與禁也

敘嘗言之州  
欲遷之未果

風雲雷雨山川壇在州南郭逾河垣屋亦毀所存惟樹

木而已

景陵社稷壇在縣西北

風雲雷雨山川壇在縣南

皆成化間  
知縣綰建

今並毀弗葺矣

沔陽州志卷十

一

城隍廟舊在州西南兵燬乃遷東北洪武庚戌再遷於

東有堂有東西序有重門

天順辛巳知州立成化庚  
子理正德戊辰璋俱重修

景陵城隍廟在縣東南制如州而頗宏

國初甲辰指揮  
琛建成化丙申

知縣繼宗丙午  
綰弘治辛酉端募民倪俊次第修

郡厲壇在漕河北

景陵邑厲壇在北郭

里社鄉厲壇並廢

名宦祠

鄉賢祠

並建儒學  
景陵同

馬侯廟在州西北五里祀漢伏波將軍新息侯援廟後

同知沈友儒建平政廳多所題詠今廢

廟之建無考按  
故志廟食已久

河潦輒禱之洪武庚戌郡衛增修歲久頽正德間知州  
濂重建濂詩河陽之水秋連天伏波祠前江可憐神來  
蛟龍幻風雨祭罷鳧鷖窺廟烟濤聲野色自今昔蠻  
鼓夷歌還歲年椒房薏苡不獨苦落日含悲迴舸船  
景陵諸葛廟在上白湖村十有五里祀漢忠武侯亮廟  
已久正德間知州咸重建舉人鐸詩興復忠誠天未從  
登祠千載思重重憑誰檢點先生後還有何人是卧龍  
以上俱載祀典其諸祠宇建自往昔民祀已久者亦列  
焉不經者置之

伏羲廟在縣五華山麓宋胡寅記古祭法之義有報而無祈非仁與知孰能與於此哉  
德莫盛於五帝而庖羲為首蓋三千餘歲於茲矣景陵  
廟祀未詳肇始考聖德之所建萬世依被而不能違則  
有民者亦何可不祀耶昔司馬遷作本紀列黃帝顓  
辛堯舜五人焉其言曰孔子所告宰予儒者或不傳及  
春秋國語發明五帝德繫姓章矣書缺有間乃時時見  
於他說善乎宏人論曰判古者之昏當折衷於仲尼繫  
易歷敘制器致用兼濟生民者獨稱羲農黃帝堯舜氏  
蓋以為五帝也而顓辛無聞焉太史公所載特形容之

河陽州志卷十 二

虛語爾鳥得與羲農比哉豈遷自見於尚書之斷自唐  
堯而無見於易之首稱庖羲歟故凡人論道義事一折  
衷於仲尼則無失若置仲尼而取史籍所載及他說為  
據未有能臻其當也然則今羲為帝首蓋祖諸仲尼耳  
謹按庖羲風姓生於成紀母曰華胥推木德繼天而王  
號曰太昊都於宛丘河中龍馬負圖帝乃則之畫八卦  
分三才通神明之德類萬物之情以著開物成務之道  
龜為卜著為筮時當洪荒人民睢盱禽獸同居未知倫  
理養生帝始推擇聖賢可共代天工者得金提烏明視  
默紀通眾陽侯以為輔佐始有書契代結繩之政建官  
為禮始教民作網罟佃漁養馬牛羊豕狗雞充庖廚薦  
神祇在位百有十年羣生和洽各安其性民到于今蒙  
賴日用之實非虛語也可謂盛德矣哉是宜載之祀典  
昭其報于罔極矣嗚乎漢唐而後道術不明異端並作  
俚淫祠巫祝所託以竊衣食者則相與推尊祇奉徽冀  
福利至於古先聖帝明王有功有德仁人義士扶世道  
民不可忘也則或湮沒而莫之承或文具而莫知其享  
郡邑長吏政教不美感傷和氣一有水旱蟲火之災願  
汲汲然旅緇旅黃擊踞拜跪謁諸偶像適會災變自止  
因即以為土木之賜禳禱之效日滋日述正理大壞復

州焦侯惟正秉心純撫民惠在郡三歲人和年豐會紹興十二年合官赦令詔長史修繕境內祠廟侯日莫先於庖羲氏矣鳩工闡矣肅給告成有尊報之誠心無希望之詔意庶幾於知古道憫俗失良二千石也乃推明帝德之本列號之正經史之是非使刻之堅珉以示來者

神農廟在五華山臨津門按二廟不詳其始故志以縣為風城伏羲風姓也故祀之

然則神農廟又何據乎胡明仲記不及此亦闕之也故志景陵有古帝王之神二然則所從來久矣

令尹子文廟在縣官城村華池成化癸卯知縣縮重建

文廟在官城村之華池歲久垣屋頽圯饗祀遂廢縮來知縣事乃復構堂而尊焉夫春秋仲運人物中衰較窮通而分物我者滔滔皆是惟子文為楚令尹三仕三已無喜愠色且必以舊政為新令尹告焉吾夫子所以許其忠也嗚乎若子文者其類波中之砥柱乎使後世之人聞其風而興起焉忠者勸不忠者懲是亦有功於名教也廟祀可已乎哉乃歌以祀之日濫之流兮百折而東公之心兮百已而忠東流歸海兮忠心起千載之風

河陽州志卷十

東至竟陵故立廟然起殺已降不武之甚況秦為暴起實為之無功於竟陵不當祀也

劉先主廟在縣留駕河

關羽廟在州城隍廟東即廢行用庫郡人數葺焉香火最盛

郡人以歲五月十三日為侯誕先期昇侯出周行坊市或入官民家各以牲醴甚為侯褻也元大德十一年廟災侯像獨存民嘆異時當陽尹崔舉至洵目睹其事

景陵關羽廟在縣南城上國初甲辰指揮琛創久而毀弘治戊午知縣端修以上三

廟並武侯廟未詳祠祀之故按三國志先主長坂之敗斜趨漢津與羽船會得濟河復因有赤壁之捷故今有留駕河况先主牧荆川亮羽皆留守茲土沔荆州地三公多戡亂之功故郡縣謹報稱云

鍾太守生祠在州滄浪為知州順立今廢

孫太守衍祠在上關大學士張治記

西廟在縣西五里故志洪武辛亥欽改景陵土地之神甲辰指揮琛創弘治己未知縣端修

其祀莫詳伊始欽改之說縣官循襲  
每春秋必往成禮書之俟詳考也

老釋之宮非秩祀也然名卿顯士篇什存焉况其名稱  
亦有足為輿地之證者故附著之其廢不存者不服書  
也

寺州報恩

在城東隅僧正道潤重修尚書傅頤記沔陽  
在江漢下流地平土衍無高山峻嶺層坡複  
鼻隆起與城埒廣二尋袤僅廣之半凡登其臺者北瞻  
然襄則透迤京國之通衢也南矚荆岳則浩渺洞庭之  
巨浸也東望九真則沱潛之眾流匯焉西連三峽則巴  
蜀之重險峙焉臺上舊有寺元末兵毀我朝洪武戊  
辰創建茲宇賜今名設僧正司置僧正一員以領司事  
成化戊戌僧正行昕重建殿日大雄高七丈殿之前為  
觀音閣閣起平地不及殿二丈臺左右為僧寮閣前纔  
數武即為大門嘉靖癸卯僧道潤授僧正慨寺地之  
淺隘與殿臺傾圮有開拓改作之志會荆西新設守巡  
而青陽雙華柯公喬適奉敕以僉憲開府是郡道潤請  
於公於寺址之前展地十有餘丈以舊門為天王殿殿

沔陽州志卷十

四

稍前分鑿兩池中發砌為橋橋上建鑿心亭又前為山  
門深邃幽奧望之若化城仙島焉道潤復捐貲於閣前  
之右偏隙地建僧正司一所方丈皆南向禪室旅館匏  
革鍾磬靡不畢具迄已未而工完殿閣前庶煥然改觀  
足稱叢林佛地乃函狀京師乞余為紀其事余時貳刑  
曹旁午無暇辛酉得請歸漢津道潤復申乞且懇余灌  
園雖暇而習懶成性益慵於筆研兼生平不喜作浮屠  
文字去年閣又頽道潤重募材新之今夏苦熱余偕表  
兄陳憲副登閣避暑道潤復請以閣記屬表兄仍以  
先記屬余乃呼其徒眾而告之日爾知聖朝所以建立  
斯寺與檀越所以崇奉斯佛之意乎夫殿閣之費不下  
數千金而環寺之內費亦稱是即使奉徵發督以官府  
繩以鞭扑經時閱歲而不可就乃今一行者持疏振鐸  
走市廛材落之間不數月而材木積山粟谷盈庾磚石  
填壑工匠塞門婦人女子亦各出所有施舍恐後備人  
無錐地石儲趨走供役不敢受直是何也蓋慮於輪迴  
果報之說凡以求福田利益已耳聖祖知民意所嚮故  
假以設教取東渡以來利根上至能持戒說法者祀為  
師祖隆其宇使望者作肅異其像使瞻者起敬禁殺戮  
之所不能禁化刑罰之所不能化相勸以善緣同躋於  
壽域百姓固於其中亦油油然不自知其共歸慈孝以  
成熙皞之治是聖祖亦凡以為民也爾眾不耕而食不

織而衣不餓屋而安居不他營而有餘資試觀四民中誰復有若爾眾者耶爾師本以慈悲方便濟人而獨先受有利於天下身且可捨今爾眾願不能濟人而獨先受人之濟其何以報而無歉也哉無亦思爾師之教也由漸入頓眾之所當事者乎夫見性成佛爾師之教也由漸入頓爾師之所當有事也夙夜惕勵澡濯色身繹法寶之指以希達摩之業俾人人自求多福則爾眾可以入七佛而七六祖人且將崇奉之固有國者之所賴也享此亦奚以爲泰若五蘊未空六根未淨徒日能禮誦焚修猶爲爾教之業障耳徒眾悔謝作禮而退遂樂爲之記以付道潤知州順詩復州東畔擁芳丘丘上層層起佛樓塔影連雲穿樹杪鍾聲和雨出城頭借閑慣聽三軍說耽靜頻乘五馬遊何用更尋天竺去人間此地歛清幽學正順詩佛閣陵空起巍然聳白雲星辰高可近鍾磬下方聞塔影城頭出江流檻外分登臨堪寓目俯視對斜曛訓導經詩郡城東面漢江西大阜高臨雉蝶齊梵宇巍峩雙塔峻海天高閣萬山低良宵燈影懸珠閣清曉鐘聲度竹溪公暇登臨閑縱目白雲深處步丹梯知州濂秋日登寺閣珠閣晴雲抱層城上方鐘磬散雙清風塵荊州仍王祭留滯湖南又賈生遠浦漁歌催暝色空江木葉送潮聲逢迎幸不妨詩律潦倒那堪適宦情九日寺閣二首可怪青蓮字黃花出檻齊芳尊秋雨畔

河陽州志卷十

五

飛閣楚雲西池迥諸天合江寒一鴈低不知歸計晚乘月漫留題又昔有龍山飲今稱鷺嶺遊菊依僧磬發杯爲閣雲留霧雨江增色風塵客散愁悠悠然憶山簡醉擬習池秋寺閣觀雪諸天縹緲挂星垣落日蒼涼下石門騎馬偶來吟細雪鳴鐘無那送黃昏朔雲故故當窗白凍鶴雙雙入寺喧高處祇憐風景絕不知梅發漢江村南兵部員外前知州徐咸詩高閣春風倚畫闌江城二月尙餘寒荆南舊客驚重到河上新題喜乍看檀板清尊情壘壘綠波芳草路漫漫逢人廣福在黃蓬山故志浪說棠陰好慚愧當年亦漫官廣福在黃蓬山故志祖道一禪師創後永固在永興村有古鐘一濂詩逶迤煨以僧昌濬守之永固在永興村有古鐘一濂詩逶迤林云是永固寺不知何年建臺殿今頽棄下馬覽荒跡石碑震雷碎獨存宋遺鐘上鑄景定字塔院牛羊入朱龕鶴雀戲諸天金碧色剝落三之二曩時祈福人歲饑闕無至天寒野陰黑往來哭魍魎一僧寂無侶晝擁袂裝睡鉢塵恆苦飢徒抱西來意熒熒石蓮燈照我激清喟眺古反重悲感時非崇異空門啟冥筌淨界參玄譬慈航那可援瘴海德攸濟圓海在沙湖呼僧吹法螺一醒諸緣累東岸縣龍蓋在西湖中洲古名西塔後更廣教今名西乾明禪有陸羽大井成化丙申知縣繼宗重建

在東湖中洲今名東廣福在西北故志秦苻堅寇襄陽  
禪甲辰指揮李琛立朱序母張夫人躬率女丁築  
城以捍陰祝日苟城不陷生靈獲全願捨景陵田  
園為佛寺是夕水暴至秦兵奔潰因建此廟今廢  
白龍  
在五華山濂詩白龍寺倚五華山下長江抱楚關上  
界藤蘿低日月暮天鐘磬送潺湲石壇黯黯歸雲宿松  
閣冥冥獨鶴還可訝老僧  
閑說法異花颯沓落人間  
聖臺在縣南三十里有池產  
無蛙鳴人以為異舉人本潔詩白  
蓮其實原無種青草同春不叫蛙

觀州玄妙在州東南宋時已為大廟甲辰間指揮沈友  
飛橋板已營寒冷落南陽昇泰主之僉事顧英詩霜  
臨城上野湖寬木搖園野桃無種葉脫牆隈竹幾竿將  
茗朝朝來道士顏公會遇碧霞丹知州咸壇祀齋宿次  
前韻柳眼東風釀小寒齋居夜坐怯衣單至誠有感神  
應格公務都銷心自寬鏡裏流年雙老髮海東歸夢一  
漁竿娟娟惟有仙壇月照見胸前一寸丹知州濂登玉  
皇閣詩神仙傳說好樓居平地風花迥不如繞棟雲霞  
丹鼎氣滿龕龍虎碧紋書何時飛鳥乘鳧去此日憑欄  
放鶴初黃石赤松逢未卜江天搔首對樵漁中秋翫月  
晴麗中秋今古稀石壇月色迥光輝乍升丹閣浮烟細

沔陽州志卷十

徐轉仙廊清漏微狂客泛杯叢桂落道人吹笛  
白鸞飛霓裳坐聽雲中曲爛醉碧桃忘夜歸  
紫陽城  
北一名天慶故志有古鐘一口神龍間所鑄又有三色  
檜宋徽宗嘗賜金字牌上刻圖進神靈老柏張耒詩亭  
亭古柏不知年天寶  
靈福在黃蓬村宋淳熙  
以前者舊傳今廢  
元祐間道士張子巖建  
許元禮建  
仙真在永興村

縣丹臺在縣仙真在五八卦在縣東三里石人汭故志  
有飛昇臺煉丹井浴蠶池鄉人昔日育蠶必  
將蠶種於池中浴之其蠶無不  
者今廢

史敘曰夫祀國之大事故恤民必先敬神然非秩而祀  
者濫也祀而不致其敬者瀆也濫祀不經瀆神不享詩  
曰神罔時怨神罔時恫言敬也故祭則受福

贊日明湮秩祀弗濫弗瀆俎豆笙鏞儀文徒縟享祀克  
誠受茲遐福

沔陽州志卷十

盧靖  
校刊

沔陽州志卷十

七